

Enam emas jadi idaman jurulatih

Berita Harian, 25 April 1997, Page 25

Article also available on Microfilm Reel NL21018

Printer-Friendly Page

Enam emas jadi idaman jurulatih

Ramli letak harapan kepada empat pesilat

KEJOHANAN SILAT SEDUNIA Oleh

ENAM pingat emas menjadi matlamat.

Itulah suara keyakinan Mohamed Ramli Awi, ketua jurulatih silat nasional Singapura yang baru dilantik, mengenai peluang pesilat negara dalam Kejohanan Silat Sedunia yang sedang berlangsung di Stadium Negara, Kuala Lumpur.

"Adalah menjadi harapan kami untuk mencuba memenangi enam pingat emas. Ia adalah matlamat kami dan saya menaruh keyakinan para pesilat akan berusaha melakukannya," kata Ramli, yang dihubungi di Kuala Lumpur petang semalam.

Menurut beliau, empat pingat emas boleh diperolehi melalui acara olahraga dan dua dalam acara seni.

"Saya berharap para peserta seperti Sheik Alauddin, Mohamed Hidayat Hosni, Abdul Kadir Ibrahim dan peserta wanita, Siti Fairuza Mohamed Zainuddin, akan menyerlah," tambah beliau sambil memberitahu Singapura diwakili oleh 24 pesilat dalam kejohanan ini.

Abdul Kadir, pemenang pingat emas Kejohanan Terbuka Malaysia pada lewat tahun lalu, adalah pesilat harapan tunggal yang beraksi

YUSOFF A. RAHMAN

dalam kejohanan ini semalam.

Dua pesilat lain yang turut beraksi ialah Syed Heizal Syed Hussin dan Mohamed Kadir Zainal Abidin.

Sheik dan Hidayat adalah johan bertahan dalam kelas masing-masing sementara Fairuza dan Abdul Kadir adalah pemenang pingat emas di Sarawak.

Ditanya apakah yang membuat beliau menaruh keyakinan itu, Ramli menjelaskan: "Saya lihat para pesilat semakin menunjukkan kema-

tangan dalam latihan."

Latihan telah diadakan tiga kali seminggu menjelang kejohanan ini di Persatuan Rakyat.

Tetapi sebagai persiapan Sukan SEA Jakarta, Ramli, membayangkan latihan mungkin diadakan lima kali seminggu.

Sebanyak 22 pingat emas akan dipertandingkan dalam kejohanan yang disertai oleh lebih 20 buah negara termasuk beberapa negara Eropah.


Selain memimpin pasukan Singapura, Ramli juga akan

mengambil peluang daripada kejohanan ini untuk meninjau tahap keupayaan para peserta daripada negara-negara yang akan menyertai Sukan SEA Jakarta pada Oktober nanti.

Mengulas tentang perantikannya sebagai ketua jurulatih, Ramli berkata ia adalah satu tugas yang mencabar.

"Tetapi saya akan berusaha menjalankan tugas itu dengan sebaik mungkin," jelas beliau.

Antara tugasnya termasuk menyelaraskan latihan dalam bahagian fizikal dan teknik.



“Adalah menjadi harapan kami untuk mencuba memenangi enam pingat emas. Ia adalah matlamat kami dan saya menaruh keyakinan para pesilat akan berusaha melakukannya. Saya berharap para peserta seperti Sheik Alauddin, Mohamed Hidayat Hosni, Abdul Kadir Ibrahim dan peserta wanita, Siti Fairuza Mohamed Zainuddin, akan menyerlah.”

— Jurulatih silat nasional Singapura, Mohamed Ramli Awi.